



1	4
1555	
60	



南

湖
集

門 14
號 1555
卷 60

約齋南湖集序

初子因里中屠德璘談循王之曾孫約齋子有能詩聲
子固心慕之然猶以為貴公子未敢即也既而訪陸務
觀於西湖之上適約齋子在焉則深目顰蹙寒眉臃膝
坐於一草堂之下而其意若在巖壑雲月之外者蓋非
貴公子也始恨識之之晚既而又從尤延之京仲遠過
其所居曰桂隱者於是盡出其平生之詩蓋詩之癯又
甚於其貌之癯也大抵祖黃陳自徐蘇而下不論也延
之仲遠退而深嘉之予笑而不言二君曰子奚笑約齋

昭和十九年
四月十日
購求

南湖集序
子予曰彼其先王翼真主以再造王家大忠高勳塞兩儀而貫三光爲之子若孫者謂宐掉馬箠鳴孤劔略中原以還天子若夫面有敲推之容而吻秋蟲之聲與陰何郊島先登優八於飢凍窮愁之域此我輩寒士事也顧汲汲於此而於彼乎悠悠爾此予之所以笑約齋子也二君曰子之笑約齋子祇所以嘉約齋子歟予出守高安約齋子寄其詩千餘篇曰南湖集且諗予序之乃書其說於篇首云約齋子張氏名鑑字功父淳熙己酉四月庚辰誠齋野客廬陵楊萬里序

右序從楊文節公誠齋集第八十一卷錄補乾隆丁未正月初十日鮑廷博記

刻南湖集緣起

南湖集宋循王曾孫張公約齋所著集成於嘉定庚午
 故不見收於晁氏讀書志而陳氏書錄解題及宋史藝
 文志亦不詳其目惟明文淵閣及葉氏棗竹堂書目並
 載南湖集五冊其餘藏書家罕有著錄者
 國朝順治己丑慧雲住僧行盛纂輯寺志求公詩文渺
 不可得則此集之佚信已久矣恭遇
 聖天子右文稽古

命儒臣檢集永樂大典中遺籍彙入 四庫全書於是

歷代名家詩之散見於各韻者俱得哀錄成帙而約齋之詩始出諸體具備以類相從釐爲詩九卷詞一卷据方萬里題詞稱其前集二十五卷三千餘首茲所得者計詩一千十七首詞七十八闕雖較方所稱僅三之一而已燦然可觀矣博於武林先哲遺書頗多採輯嚮者張助教潛亭人 都會以搜求未備爲託閱歲書來以館中新得南湖集見報未幾助教忽歸道山繼而邵太史二雲聞之赴官之後亟求館中校定副本傳鈔一編適沈侍御蘆士南歸寄以相示熟復數過見集中諸作

大半皆紀所居南湖桂隱玉照諸勝及與同時士夫遊讌酬答之篇公捨宅所建之慧雲寺頽圯未盡今過其處水雲飛淼菰蔣叢生而雉堞之環列依然禽魚之翔泳如昨皆可因詩而想見其園居之樂也公之事蹟散在雜說其淡忘榮仕具詳寺碑而丰儀秀整則塑像儼然今者褒公之詩拜公之像恍如與公晤語焉夫公之於詩善參活法遠宗香山於唐而近則得力於誠齋放翁諸人誠齋至以上將目之雖同時忌之者謂爲將家子強吟小詩而不能掩也是集湮沒者六百餘載遭逢

盛世晦者復顯公之厚幸非偶然矣謹依 館閣原編
校寫既畢偶檢志乘補其漏佚至於遺文逸事與夫後
人景仰題詠之作亦輯而附焉爰付剞劂以廣流傳開
雕於庚子初冬竣工於辛丑首夏為文告公以志盛事
并詳其緣起於首簡云

乾隆四十六年歲次辛丑閏夏既望鮑廷博謹識

題詞

讀張功父南湖集 并序

方 回 萬里

詩至于老杜而集大成陳子昂沈佺期宋之問律
體沿而下之麗之極莫如玉溪以至西崑工之極
莫如唐李益至九僧三百五篇有麗者有工者初
非有意於麗與工也風賦比興情緣事起云耳而
麗之極工之極非所以言詩也謂如老杜七言律
詩魚吹細浪搖歌扇燕蹴飛花落舞筵自去自來
堂上燕相親相近水中鷗林花著雨胭脂落水荇

牽風翠帶長風含翠篠娟娟靜雨裊紅蕖冉冉香
學者能學此句未足爲雄撲棗詩云不爲困窮寧
有此祗緣恐懼轉須親憶梅詩云幸不折來傷歲
暮若爲看去亂鄉愁春菜詩云巫峽寒江那對眼
杜陵野老不勝悲送僧詩云念我能書數字至將
詩不必萬人傳此等詩不麗不工瘦硬枯勁一幹
萬鈞惟山谷後山簡齋得此活法又各以其數萬
卷之心胸氣力鼓舞跳盪初學晚生不深於詩而
驟讀之則不見奧妙不知雋永乃獨喜許丁卯體

作偶儷嫵媚態予平生不然之而江湖友朋未易
以口舌爭也乾淳以來稱尤楊范陸而蕭千巖東
夫姜梅山邦傑張南湖功父亦相伯仲梁溪之嬌
淡細潤誠齋之飛動馳擲石湖之典雅標致放翁
之豪蕩豐腴各擅一長千巖格高而意苦梅山律
熟而語新南湖生於紹興癸酉循忠烈王之曾孫
近得其前集二十五卷三千餘首嘉定庚午自序
蓋所謂得活法於誠齋者生長於富貴之門輦轂
之下而詩不尙麗亦不務工洪景廬謂功父深目

而予謂其詩亦猶其爲人也溪清花鴨聚岸綠
草蟲多燕子初歸曾識面牡丹未放已知名不知
何人以朱筆加點專取此等句予亦謂不然且如
人生守定梅花死此句殊佳何人輒用朱筆圈改
予竊謂朱筆之人未得所謂正法眼藏也功父預
謀誅韓而史忌之韓旣誅卽有桐川之謫後得歸
坐前憾謫死象臺天下冤之言官程松嘗論功父
謂將家子強吟小詩此乃刻薄無忌憚之言不足
與較其詩活法妙處予未能盡舉當續書之今且

題八句以寄子心

生長勳門富貴中糝糠將相以詩雄端能活法參誠叟
更覺豪才類放翁舉似今人誰肯信元來妙處不全工
登金組繡屐時容合向南湖立下風

功父盡交一世名彥詩集可攷然南渡以來精於
四六而顯者詩輒凝滯不足觀駢語橫於胸中無
活法故也然則紹聖詞科誤天下士多矣

南湖集卷第一

秦川 張 鎡 功甫

五言古詩

雜興

聖學律萬世玉振仍金聲大賢務矯俗始以和自名智
 者稽所終流弊固難行求圓能捨規魯男烏可輕
 城河固金湯穀帛堆丘山雷風走號令足以威百蠻秦
 人昔恃此燒書無愧顏叢祠夜篝火赤蛇先據關誰知
 小國魯抗衡齊晉間獨能秉王禮足以銷鄰姦舞干服

三苗可仰其可攀

原予何所得所得在養心澹然處窮閭蓬蒿絕車音結
駟者誰子排門願同襟乃知能辨者於道未爲深
日暮前道遠紛紛倒行多胡不秉明燭整駕歷前坡既
衰不戒得有如聖賢何平公七十翁師曠猶琢磨
管仲相齊國童子猶羞稱確字害霸說三王亦可成寸
短有所長貪賢況誠切其問九合功詠此宜擊節
文仲蔽展禽難逃竊位名張湯法家流推賢被嘉聲公
道日月如無私天下行治古本根此所以休甲兵嗟嗟

祁大夫舉善何其宏曰讐吾甚惡日子非私情一旦俱
薦引晉伯由此成後世益多嫌山林老公卿

伯牙善鼓琴知音一子期已得慰生平絕弦忽復悲深
沈揚執戟元文準伏羲千年未願賞豈欲求當時

泱泱古齊邦中有秉節臣其國不能舉燕帥知寵珍生
不食君祿執或劫諸鄰莫往徑絕脰用愧軒冕人當年
處高位十萬當逡巡所以休明時朝廷足嘉賓

善人所至處鳳儀氣芝蘭同德自相求官因休顯看後
來世道交祗趨勢與官廉頗共翟公雅抱常自寬

小器酌升斗渠寧同釜鍾心公德始宏一介稱能容將
軍見何卑偏忌相如功卓哉全璧賢懷才官爭鋒悔過
猶可稱服善交情終

吳起棄骨肉用釋魯君疑蕭何買田宅更要漢祖知結
繩可息爭書契計已癡反覆者人心周防良足悲曾參
殺人謗三至母信移君臣不易逢終始貴難離

金珠不解憂麴蘖堪適情隘哉沈湘人獨以醒自名生
居禁酒國焉得壺觴傾閉門求一醉無乃干天刑若伊
曠懷襟道在寧營營詳觀中聖言當與智者齊

堂陸分古始高卑定常儀拳拳三顧頻未敢臣其師至
寶價婆娑塵面誰復窺有人果善酬何苦不售爲木牛
流馬機小智那足奇甄別蘭與艾忠誠真弗欺功大天
實吝滯跡烏能知臣主施報恩足爲萬世規

有虎南山南有石北山畔虎石久未辨箭發石遂貫一
朝兩生心見石不見虎若向虎石求引滿徒自苦

河南牧羊兒不識奇字書君王事邊頭無亦官帑虛慨
然分家資補國何勤渠詎有忠於君而謂不學歟母令
敗羣語緱氏果有餘惜哉對碑注更欲取名譽歲晚責

緣飾宜其返田間

真才當自重躍台非具金世儒或拔等志士違本心
慷慨自鋪陳庶幾有知者但恐北風扇虛言難保任快哉
東方生可喜未可歛

聖道由書傳秉畀火于秦漢興反秦暴見儒猶罵嗔董
子惟有志耿耿誰與陳使時三策行焉老諸侯賓

子雲閉門學非願雕蟲稱於道實有省爵位豈所營
洵嗟已遠惜不借羣英太元法言書莫謂徒擬經

漢代嘉唐虞欲以儒理國公孫談治道純駁互失得廣

大語尤害開邊心莫極無怪淮南謀日夜憚汲直東閣
禮諸賢脫粟自爲食欲以此自文後世有真識

言貌難取人宣尼竊丁寧如何汝南許輒擅月旦評觀
其察曹瞞一言盡生平勿謂鑒裁之一門稱弟兄

林宗真傑士慨墮識孟敏初無一語交肺腑已窺盡人
才處東京郭許能汲引幾時不生賢弗遇卽泯泯

道德釀搢紳眸容無點塵望之鄙吝消矧得累夕親緬
思闕里化四教隆諸身濟濟三千徒變蒙盡爲仁賢聖
雖不同氣類當等倫叔度亦我師千載風如新

達士樂貧賤本非沽激心豈真昧生死而計樂淺深辛
勤畢婚嫁塵慮寧更侵高蹤五岳遊乘風擬相尋
山川萬代留人物有時盡慷慨羊叔子登臨重嗟憫功
名垂橐來老去載倉困焉有利在民轉眄聲卽泯非真
弔古往借言聊自引湛也窮其心欲默不能忍惜昧無
去來徒知幻與影
征南勲業手顧乃玩簡策麟經日月垂左氏實有力爲
渠作忠臣訓議訂今昔後來縫掖子開卷隨有益果能
作蹄筌此學不妨癖

龍泉伴太阿潛伏知幾秋光氣不容揜夜夜沖斗牛一
朝掘青苔雙龍獲兼收拭以華陰土百神見之愁若使
無張雷恐非劍所羞

天一卽生水語性何潔清未嘗使人貪酌之失廉稱夷
齊素高蹈想非常飲冰仁鄙誠自取處默先內明

南渡人物中第一數安石經營江左民成敗固先識苻
堅擁百萬朝野總憂色長驅不量德在法真餌敵談笑
付兒輩茲豈試一擲捷至偶折屐胸中未易測議者謂
矯情妄意窺惛愾

聖狂霄壤分其端在一念去惡向忠義如病用良砭方
貽害於人蛟虎竝兇骸及其懲艾餘大節秉無欠卓絕
補過功炳炳照鈇槩乃知春秋意惡惡待終厭

實脩名自來猶影長隨身惑者偏忌嫉終之反累人況
馳死後譽何關一丘塵所以識達早托醉全吾真歸與
因尊鱸口腹何足陳到今吳江水秋至清粼粼

淵明膝上桐一絲不肖挂彈聲聒天地無人知此話謂
琴只這是世閒何用弦謂在有無中其然豈其然

太冲十年功僅了三都賦藩溷著紙筆欲以疏吾句文

章流至是已失古人步喜怒哀樂情一發中韶濩不見
風雅篇豈效女功蠹

掄才如百藥治效各不同儻能區別性當聚和扁功武
德定亂後諸公悉登庸帝久知所長未欲任己聰品題
資確論毫髮無蔽蒙三傑降漢業六英夾唐宗無人可
能國我欲振古風

至藝得於天音律誰同明道上車鐸逢地底黃鍾成偉
哉創業主用才極其精太常識斯人吾知不負丞勿疑
貞觀閒四海幾措刑遐想登后夔巍巍治難名

馬生客新豐悠然酌斗酒若謂傲旁人曠士亦何有有
志曾未識偶與麴蘖友異時依風雲黃墟一回首
照乘復垂棘固足爲國寶朝有宣力賢愛惜莫草草成
湯昔在上翦髮救枯槁念民不念己頃刻動穹昊太宗
療功臣亦本爲民保斷髮疾其愈大勝琮璧禱
秦王旣集統作樂昭治功前日威武地今還見聲容一
時聳觀瞻唯貪激英雄鄭公獨俛首孰能察其衷暮年
伐遼東事幾敗乃翁良臣不在傍有悔應無窮
唐家盛詞華培本自武德投戈關文館英士來翼翼訪

政討典墳夜分亡倦極當時瀛洲目意氣寧偏仄言詩
到李杜騷雅竝區域爲文至韓柳秦漢等風力後世不
推原第賞紙上墨焉知昔人心求效非頃刻
風月屬漁樵真味豈能領雍容補國手斯宜理烟艇樂
天未歸時極口獻忠鯁十上九不行回身避機筭酒徒
與詩伴共煮香山茗流傳畫九人公貌粹而整

秦女行

妾家秦關中白玉爲重堂堂前翠簾鈎一一金鴛鴦暖
艷照綺席新聲按笙簧妾小不解事戲劇珠樓旁蜂窠

擷稜杏鶯枝蔭垂楊阿母喜秀慧擊絲教縫裳年齒漸
長成自製紅襦長弄杆織繁錦錯綜飛鳳凰體柔生玉
膩國色凝天香不假粉黛妍羞作時世妝悅已求得逢
晨夕勞衷腸苟合必易散良買宜深藏

錦池芙蓉盛開與譚德稱何國叔曾無逸王季嘉

呂浩然張以道小集以東坡詩細思卻是最宜
霜分韻得卻字

道人有園居其門可羅爵夫何諸賢傑疎野盡闊略聯
鑣過柴荆慰藉淡與泊爾時木芙蓉酣酣縱雲萼呼酒

亟對之不復次杯酌西風吹雨小池波晚烟闌紅癡高
擊鬆翠鬧競參錯談叢及笑粲大勝世俗樂翹搖鵬鳳
羣著我慚瘦鶴區中有此不今古一開拓山林豈細故
人願要天諾侵尋霄霧舉乃獨趨丘壑探韻睨大巫疾
走宜退卻簪花謝慙慙敢避句惡弱從今數名芳消真
履成約

足疾愈約客遊湖上園

平生志四方豈願守三窟超凌風中驥振迅霜後鶴無
何足受濕步履遽蹉跎投鍼痛循筋濯藥熱透骨重纏

中統纒願囊內笏長懷駱賓王曠邁困沈泊胸蟠經
綸業與氣共振拔紛紛灞上旅大半貴肥脂儻其尚細
謹俗眼愈超忽臨壚指醇酒洗滌去泥渥器宏事果遂
闊步黃金闕宿來病殊減砌城可踔越拘攣日既深得
差與九發湖山想貽笑相忘兩逾月霜花著紅小幽香
逗疎樾風晴春一似攜具任倉卒招邀二三子才思湧
難竭卻恐費吾詩筆端口方訥

觀舊寫照有感

趙茂寫我真今朝喜重見相望十五載容貌盡更變恰

如逢故人省認向時面自憐歲月去亟若弦上箭其閒
憂與病往往幾歷徧寒暑外侵薄思慮內縈纏幻形類
草木孰能永葱蒨髮幸纔半白登臨未衰劫逍遙溪復
壑安穩寢并膳十年每一晝能用幾何緝會看烏帽下
滿垂銀色線莫嫌老易來身健儘堪羨賴有難畫者炎
天飛雪片浩劫且長存那隨時序轉

次韻清閔對月

甍旣恣懶倦晚夢聊一中夢游玉壺宮朱扉釘金銅天
寬瓊聲微非關夜無風覺來動婉歎緒猥紛愁攻人間

無了期得失爭雞蟲竹邊念小童有酒清如空

重午

林閒忘時節今朝忽重午雨過天未昧輕陰障初暑追
思兒童日爭先纏綵繡葵榴映昌歆梅李參角黍書堂
給休假歡呼屢跳舞但喜逢佳辰那知歲如許適經六
六回勞生竟何補幸早安靜樂飛潛伴鱗羽猶憐艾作
人猓瞳儼當戶想其亦自畏勢險正騎虎孰若平地我
不隨時仰俯門前鷗鷺波宅畔花柳圃晨看一卷經暮
飲三杯醕詩成時落韻格調任踰矩大勝汨羅人獨醒

徒自苦

中秋後一夜觀月

昨夜月色佳孤坐不及賞深歎一歲中此景無復兩冒
冷試出戶霧氣方漉沆金行既中分宇宙萃澄澗堂堂
大圓鏡倒攝山河像或云有桂樹強作枝葉想疇能窮
兆朕聊爾付惚恍曾無鷺鷥飛但聽悲蟲響氣舒厭偏
仄望極增歎仰今夕看尤好流光透帷幌祇欠些子圓
照物尚晶爽盆池局墻角刺歷認菰蔞病餘不舉酒安
得詩思廣何當指浮上跨鶴離塵袂

重九日病酒不飲而園菊已芳薄莫吟繞亦有佳

興因和淵明九日閒居詩一首聊見嚮慕之意

云

心境本一如美惡緣妄生惟今尋常日強以重九名入
秋雨澤慳連朝更晴明木葉未苦彫禽鳥皆春聲寓形
天宇內自顧非壯齡年年登高時無菊酒漫傾何如茲
歲好金英照軒榮遠懷柴桑翁合處無疑情不飲還醺
然妙寄由天成

夜興

老火頓掃跡顛氣凝清英病悰少棲泊循簷聽風聲桂
魄未及圓列緯已讓明銀潢誰決流靜向蒼旻傾引領
欲縱望衆屋高崢嶸又成興局促萬里孤遐征陰牆想
露溥夕蔓黏青螢怯冷獨歸戶搔頭對長檠咨嗟賦分
薄煮藥過半生隨緣但順受境逆或漸平年年中秋夜
衰回曉鐘鳴屈指行復來得失當除乘

癸卯立秋後一日鑿井竹閒

茲歲苦告暘旱燠彌五旬老火秋益焚陽螭燎朱鱗小
寢屢亭午牀移瞰墀垠迎南有風到迅掃方無塵髣奴

擊餅水云此乞諸鄰同居雖楹連列屋難施均舊井陰
一亭經夏汲取頻雷澤既稍愆土脈幾就涇倏思書齋
外牆西種叢筠而閒事墾掘泉眼管津津涓辰甲戌良
霜鋪穿苔茵下浚十尺餘疏泥出膠瑾靈泉果旁溢清
冷潔如銀板松實爲底環寧虛至昏禾沙赤顆塊石英
紫璘玆投置可蠲疾釀麴九甘醇青絲繫銅壺挹玩醒
心神當年負暄老猶將獻嚴宸九重方焦勞渴飢念黎
民昨暮雨一篩四野艱敷勻今晨直言詔庶政勤咨詢
諫聽將必行純誠動蒼旻沾蘇徧原畝丕昭吾君仁

賀九禮侍兼脩史侍講直學士院四首

禮云風斷烟闕議十九失片言灼龜鑑鉅典資以秩抗
志非太高矧艾起時疾何翅位宗伯字內賴調一
斯文未搖落石序啓哲人胸中悟復悟筆底新又新幻
爲九色絲鑿坡演明綸兵民總疲羸夜直煩前陳
化權亞史法委巷汨凡例良由私愛怨或使疑信二姦
諛人力勝危欲蔽忠義絕識超大千簡冊當吐氣
道傳至孔孟人主不己任空言課講說日用惑已甚聖
朝重橫經仁澤天下飲公談故紙外句句格精稜

小疾書興

卷懷無與適著冠試徐行廊西小堂幽叢篁雜荷聲吹
衣怯風猛簾垂一牀橫坐餘忽屢歎安閒吾半生無端
局官簿隨羣覲浮榮出入與日俱何嘗惠黎氓今晨疾
在告反覺意氣平爐烟結復開遠度松梢明晴久色愈
耐枝疎韻尤清香去松不隨香來松不迎倏然歸太虛
無心計虧盈一著要我決豈在他人評還尋鷗鷺伴靜
樂鳥可名眼前俗物空秋老其身輕

次韻陸南宮晨起有感

罵坐非真豪挂冠豈管高崎跡烟雨埋客氣利祿塵曷
若大丈夫志本輕旂旄無擇眼界平芬馨等羶臊機息
箭自空詎復論弓囊先生博達姿閱世江河滔器吞子
貢璉才奪東方袍出處日兩忘居朝隱蓬蒿一代能幾
人稱提付郎曹飯熟菜亦香但教齒牙空

次韻陳唐卿縣尉

耽詩固無益捐慮更招咎技癢搔不療銘坐口還又出
門索朋儔培我本根厚頑石夸瓊瑰朽壤被絺繡歸來
三歎息誰脫章句囹堂堂柱下史退食燕清書門前車

馬鬣有客老且瘦無求見容貌話味若飲耐從容得寫
帙細讀前竟後令人發深省咀嚼盡華茂要須卽所見
快手撤蒙陋蘭香出深林著意烏可嗅

自廣巖避暑西庵

推枕欣朝涼開戶畏炎日駕言城西遊滯憊去如失山
空秋易知石近雲屢出穿松得古寺隨喜聽講律士女
蜂蟻來蟠香散經帙思攝正念頗識動化術蔬飯有
餘飽徐行縱閒逸隣庵亦窈深綠杉閒疎密殿宇煥新
築不特方丈室相畱屏俗情話澹喜促膝脩筠入支徑

池亭面窗率從容十數刻佳趣傾無佚風牀捲青簟露
井放寒緯藕花雜蒲梢芳氣遠如一紛塵愜虛靜詩成
任荒率殷雷喚飛雨爽氣定盈溢興酣任景晚歸騎莫
馳疾新霜更須來攜樽摘林橘

自安福過真珠園梅坡

舒憂早踰關延晤盡名侶林亭果幽賞得計良自許高
鳴迭酬唱陽春誰激楚坐移遊好園振策眄芳渚曾茅
舊翦結冰豔靜誰與幾年楊巨源句妙聽鐘鼓謫仙繼
前躅凌厲蒼霄舉吾人潘逍遙清新出機杼揆予才獨

後乙乙抽繭緒肆瞻宇宙宏氣類混出處盍簪忍輕散
快意樽中醕相看豈時情襟期耐寒暑

往逸村雪中上船

東皇喜我出恐無賦詩題夜呼姑射仙盡把雪覆泥迎
晨倚戶觀凍雀戀樹棲翼疎雜霰濕未暇平高低體物
非所長意蕩著語稽收興入輿幔護寒擁裘綿迢迢下
谿步登舟薛橋西搖兀畧坐定艣聲已綠隄客船與漁
篷漸遠離排擠皓色山上見素光水中迷隔路望小家
緋桃篠枝齊茅簷果自樂何必深堂閨春郊正須遊帶

酒尋村雞

徑山綽上人寄新雪

重闢初履霜深山已堆雪牛鳴數舍地氣序何驟冽禪
宮舊龍居長夏扇可徹千崖蔽森蒨雙徑穿截嶠所以
方冬時集靈即飛肩廊堦遊鶴處爪跡應凍絕立齊老
僧腰此話忘輕說掃贈滿襟管凝明勝瑤玦梅風落葉
窗我固傍高潔疇能輕掃投煎茶沃詩舌

莊器之賢良居鏡湖上作吾亦愛吾廬六詩見寄

因次韻述桂隱事報之兼呈同志

吾亦愛吾廬地僻猶深山山亦前後有遠望碧玉環
紫
昔近市居局促幾沈蟠買園闢荒榛運量百畝寬勤勞
藝且築就緒五載閒葛巾雅相宜何心傲蟬冠流光隙
中駛霜鬢映蒼顏恬愉無競外幸免歷世患旁人笑野
拙枉自家長安開門面陂澤岸岸蒲蓼灣此身夫何疑
郊島乃瘦殘

吾亦愛吾廬萬木紛秀挺一一親主盟非特時管領緬
懷蠻觸氏隕腐爭奪境躍然起予衷大類困澆茗掃空
市虎疑照破杯蛇影步寬更容人園中無陔徑

吾亦愛吾廬第一桂多種西香郁天地不假風迎送花
開與花落真境未嘗動羣芳亦時有幻巧雲錦綜廓然
清淨觀豈復計疏壅紅紅白白處政自見日用江山雖
阻脩此樂朝暮共逢場任竿木何許非戲弄一笑和君
詩是亦夢中夢

吾亦愛吾廬試聽談向背維南漚平湖浙水實分派兩
峯屹三塔形勢遠襟帶城中那有此到處憐湫隘擎舟
信所之詎復防厲揭猿鹿驚幽曠引遯終遠害抱垣更
通津漁釣欲寄快都緣跡不羈徹老心自在

吾亦愛吾廬精舍出其右

僕捨園東舊宅爲禪寺

南山祝吾君身

自樂畝畝福田非住相初不藉耕耨衆生睹善法政合
遠奔走誰知在家僧特未斷葷酒更有一般歆望南看

北斗

吾亦愛吾廬門前賣時蔬滿擔風露香選擇未始無蘇
子覓二頃楊翁營一區兩者況見成自顧慚晨晡不妨
瘦如竹何急肥似壺向來鍊句癡工拙分毫銖如今布
袍下識字村田夫諸公信余言相從莫踟躕

俞玉汝以詩編來因次卷首韻

我生癖耽詩極力參古意寥寥千百年所取僅三四此
言或是癡的確有見地大雅既不作少陵得深致楚騷
久寂寞太白重舉似堂堂豫章伯與世不嫵媚峭峭後
山老深古復靜麗長篇雜短章末學敢睥睨儻非四公
者孰畢此能事俞君江南英懶效決科計俗子造其廬
覓句獨擁鼻雪風滿橋路想見形夢寐貽我青雲編三
讀增畏愧未嘗膠山林亦復到城市石頑木鑽透悟處
定不二清風濯炎暑使我破蕪穢情悰猥能同外此誰
臭味請加精進心道遠烏足喟駸駸不停規今古本無

百湖集卷一
異詩來我知往因以當交質

次張以道韻

耽幽畏奔逐何翅畏暑寒豈真傲世人亦各性所安弄
水小漁艇尋詩蹇驢鞍相宜清晝永嬉娛絕嗟嘆方苞
紅玫瑰紛萌翠琅玕胡為悉棄置隨人強蹣跚頭顱每
自知終難繼貂冠超情混俗久漫若草敗蘭委身羈馬
中龜勉聊自寬習氣猶未除搜句雕腸肝偷閒時一遊
園池有河槃

寄題莊器之招隱樓

得時則爲人此固丈夫志生前必功名說實起後世君
看禹稷徒烏有覬望意偶然事逢手勢若破竹易所以
極萬代偉績不可槩紛紛務勉強指日苟聲利等觀今
昔爲迷悟由性異莊侯海內士豈特靜者類深歎末俗
競懶赴殊科試力田抄飯白結屋傍山翠受用已有餘
推此更廣施名樓曰招隱來者定弗棄我恨聞命晚已
買城北地湖濱林麓幽市遠車馬避想像輞川寬庶幾
盤谷邃雖非千步門官換一品位桃蒸春浪活桂馥秋
風至其時思故友命駕驚書睡堂堂無他言握手笑相

視吾儕東西隔橋枳本同味中年各競要非太早計
何須竝牆居而後願始遂

次韻答張以道不谷閒步

藝此百畝園池亭粗供遊新從小堂陰經營學山巨攢
叢數百樹如對曠士流奇石皆有情聽詩宜點頭方池
正當前風定清若油照影畫不成葉茂枝相樛心靜境
目來非關苦尋搜知我與罪我此話同春秋委順付天
命萬事杯中浮莫疑頭上絲曾因利榮愁若無忘斯言
長年共無憂

宿餘杭普救蘭若同訥義二僧訪法喜寺尋登綠

野亭

平生樂遊觀幾欲徧區宇足力有限量勝處空默數餘
杭舊名邑相距纔步武蘇翁綠野詠亦冊每欣睹竭來
始經行解擔日蹉午招提略憩倦鑪熏散雪縷上人別
累年省識但能粗應憐憂患跡官路還踽踽將勤設瓜
菓就蔭指榭榭少焉湯浴罷作意訪奇古相從到鄰寺
儒宮換堂廡法喜今易為縣岸揆昔列鐘魚俄此登簋簞萬法
迭成壞紛紛競誰主旋陟陂上亭傾摧幾風雨老柳不

復見危闌試憑俯青山幸繁繞寧暇問秦禹水流天接
處桑塍閒蔬圃種蓮止坳塘炊煙莽村聚咨嗟雜慰快
擬去還眷憮一笑詩已成馳奔遽忘著

戲效樂天體

去日不可再來日焉可虛直待百事足漫把四大拘黃
河幾曾清白髮黃旋烏全福貴安然真樂難強圖朴直
自許我才能不如渠已盟方寸心免若六尺軀登臺植
明時擊壤容匹夫輕車歷野寺小船泛晴湖金鯽池內
觀白猿洞前呼孤山未學林長堤且懷蘇珍重不消器

醇醪只攜壺更帶兩耳鎗旋煮四腮魚意均飽煖適跡
或升沈殊達人曠大觀萬象歸一途丹鼎難變化佛性
狗有無快荅此話頭擬議計卽疎

南湖集卷第一

南湖集卷一

乾隆庚子秋九月廿六日李益書
昔六千六百五十一字仁神方得定
等知不足齋叢書

南湖集卷第二

秦川 張 鎡 功甫

五言古詩

集古今山林閒適詩以林泉嘯咏名之

夜窗涉塵編山林詩輒取悠然忘世故正味若醇酒渠
能道我言不必出吾口鈔成長自隨真為歲寒友

偶成

出門苦喧闐歸舍喜清逸新篁解重籜尚帶溪粉濕投
鑷坐無語風來動書帙畱客不須歸今夕月方出

不睡

溽暑快新霽濕風生夕涼屋角挂月盤激澗冰玉光飛
蟲細可數夜氣收莽蒼境勝玩不足橫筇據胡牀孤生
念濩落靜思還慘傷山林平時心政坐多激昂習懶性
已成投閒計爲長明宵恐陰雨不睡庸何妨

同張以道出遊近郊成古詩十六韻

今辰天宇佳風光宛如春園廬豈不樂景熟興未伸與
客策蹇驢城東訪幽人幽人本非約意往隨清真市小
度啁晰秋郊迴無塵楓林頹居前疏畦翠橫陳烟濃山

愈淡徐步望更新田翁出荆扉笑揖似所親對坐俱不
疑一榻三鳥巾胸中絕塵壘眼界空越秦紛紛癡濁世
等別生顰嗔青旗正飄搖小店恰與隣相邀開縹甕橙
梨其珍醇悠然會陶然此適屬隱淪我家幸匪遠要辦
來常頻平橋指歸途野疇依叢筠

酌道傍古松下錢王水對山絕頂微露塔尖聞有

僧院名益錢

山園堂軍巾佳興全滿前盤松儼如畫蓋疊疎蘿纏沙
平恰席許坐蔭宜鋪氈扶筇瞰根穴湛碧泓寒泉霏空

雨方來衆緣爭欣然炎銷道旁地此倍凝陰烟摩抄復
大滌毛骨俱澄鮮輪囷復清冷官受代謝遷何必絕塵
世高潔自永年錢王德民深姓氏水爲傳遙瞻窳堵波
背立蒼巖巖人言有廢寺欲到愁攀緣諸天散香華顧
我應惻憐被役不爲飢凡質何絲仙

次韻傅景夏見贈兼簡徐李益

懶情妨勇志闇識乖明時昔人嗟遠矣有夢那見之百
計諧余衷第一證以詩合處卽券鑰寧問渠爲誰端居
偈仄胸旦旦荆榛披又如涸轍魴縱漾清塘陂宗旨要

領會法律忌脫遺泚筆漫擬古深局愧無奇寒松凜顏
采恥競桃李姿疲馬借康莊敢對騏驎馳自娛成自虐
苦心到肝脾孰真念本願頗或譏繁詞君侯忽我予臭
味幾夙期何時結幽磐開徑通雙扉花明鶯錦薊竹暗
蜂烟霏應緣更數載遮莫俗驚窺偉編昨珍投如病和
扁醫月臺氣醇茂共社當肩隨火龜莫視兆叶吉庸奚
疑解頤持此先詎須匡鼎來

近詩殊少閒行綠陰下喜成雜詩以自勉繼此當

日課云

去冬詩絕稀作意待好春春至病始甦強賦情少真梅
花到海棠不過數十首其閒豈無興有筆慵開口每逢
風日美心醉人不知林閒行若狂藉草或移時芳花倏
掃蹤轉作滿園葉油然翠欲流翳若陰初疊老夫愛深
處穿樹開生路香不是風香吹來復吹去扶筇仰面看
青子枝閒團引客任摘嘗庸詎疑整冠閒來坐根石遠
望渾無隙大似天女機重重綠羅織黃蜂恐我嗔擬住
退逡巡向夏吟更懶卻防蜂笑人從今當健走古囊勤
抖擻莫作蒼蠅鳴嘗如獅子吼

看澗水自警

昔往靈隱山寺前貪看水木陰鑑暉彩泓渟絕塵滓游
條慣餅餌敲欄聚如蟻坐翫豈不佳直須波浪起開閘
放三板驚雷奔壑底如油石上苔老澱光瀾瀾衣裳任
濺灑輕颺颺盈耳歸來尚入夢睡覺思未已繁年罕遊
山深居遠塵市林卉漸叢茂窮幽併餘美疏澗彌百尋
縈紆帶蘋芷因風作微瀾綠皺偏可喜有時日向晚灣
虎閃徙倚簞紋鞞縠皺風平一齊止瑠璃瑩不動最愛
中間裏擬將拄杖探恐破難整理擬將瓦礫投恐宛難

措洗夾岸桃樹影迎望青迤邐飛禽既歸宿獨留老居士足痺未忍去更欲置牀几長繩繫羲輪不容落西汜候思家中景非同借來比已拚閒到老從老閒至死自此晴便看其看豈涯淡冥然心有語功父吾戒爾操行益孤高謹終當似始靈襟永虛潔內外非二體行住坐臥處泥渠亦清泚免令水有言人汗貽我恥

秋日夙興

晨起浴倍佳爽疏洞膚髮靈蕪鬱寶鼎清忱睇天闕三十六帝座一一神遠謁旋瞻雲始盈灑雨響飄忽餘霏集欄廡林翠忻蔭樾高枝閃稀星萬葉被濕月吟啣蒼虬輩草際競窳窳觀生物我齊豈計辨與訥義車唱羣動靜思苦易歇摩抄山頭石汝相筋稱骨

讀蕭何傳有感

漢祖壁炎圖三傑咸輔翼功成及酬賞相國獨第一發蹤指示詔誰曰非其實焉知英主心方謹操縱術勲高疑益深固異亭長日守關忠弗念置衛防百出堂堂明且審自計亦無失護軍給餉饋入秦收圖籍用智既有餘保身豈難必遜封散家財非真召平力汗名起田宅

猶愈受斧鑿終加恭謹辭賢哉史臣筆

次韻酬鈺上人二首

脩客衣襟如嚶啞守關傍聞閒掩耳避令人憶柴桑
鈺乎問水濱其道尊空王坐來蒼蘆林不聞有別香
孰知苾芻流而能建安作燈檠味雋永曾不帶葵藿已
撞禪月鐘請振普化鐸從伊啞羊呼高厚中沃若

移石種竹橋

野性樂閒寂况值秋氣清旋卽東牆隈削苔方斲平石
立稍退步薜荔纏珠纓橋香湖海趣竹翠山林情二物

昔所嗜未暇同經營環種近百竿葉葉琴筑聲對植纔
兩樹顛顛金玉明交枝與叢稍拂巾須緩行其閒兩席
地幽致吾主盟靜極坐累刻焉有世慮縈人生會心處
小大景不爭長年興無涯風月隨陰晴抽萌及吐蘂預
喜春林榮客來開茗鑪禮意固非輕作詩漸忘言此語
亦老成杜門安塞拙何急謀虛名

櫻筍詩

庭階少幽蔚樹石聊森陳海櫻最先來相看兩經春風
枯黃髮短兩老蒼皮皺葉添朝暮層尚欠著語新陰霖

歛幾月芳苞吐輪困嘗聞膚毳閒若筍味可珍使其姿
柔媚未必藏甘淳耐饒不忍剖是乃吾術仁詩人例虛
談夸街母諄諄緣木而得魚慮貽俗子嗔

樓筍一名樓魚

分韻賦蘄荀得松字

呼酒快勸客教取白玉鍾趁此清淨枝向我几案供葉
豐發油絲心香刻黃琮向來紅紫陣喧喧引雄蜂露斑
衣上痕枉負七尺筇日暮詩興薄幽禪苦魔攻猶勝坐
肩輿排門抗塵容我祖已封侯便當隨赤松

送綽上人歸後菴

春風吹倒人禪師出山來相陪坐幾月口邊生塵埃夏
風吹長樹禪師歸山去為嫌城裏熱再三畱不住學詩
無後先到此如狂顛有問是誰格且疑二十年

我園

我園樂復樂不知夜短長露下楊柳濕月明蒿艾香歸
途林影橫忍踏瑣碎光衡門尚未掩犬吠循東牆

回放翁書

鷗盟慙久寒駒足誰苦繁霜雪兩歲暮轉首飛箭急脂
車乏敏手愛字翻舊笈三山白淨水樹屋影解解梅花

百枝寄寧當一顧掛官冷坐名熱天道會張翥多憂莫
白頭丹鉛火常集

次韻張子儀郎中

南湖葵柳岸綠多紫紅稀有客送詩來適與葵柳宜得
處洞真蘊非我其為誰坐觀行亦看意會神蕩怡憫彼
世上人紛紛方外茲

月色

月色夜逾淨虛庭當我前風裳變白玉何煩佩褊褊曼
倩去已久誰同醉陶然空懷依隱心三叫芙蓉邊

題畫雲山團扇

若箇大圓鏡處處山河影誰謂懶拙翁而能作斯景繁
子說是語未免驢窺井若解目前機不應言不領

七言古詩

前有一尊酒行

霖雨半月今夕晴風堂人稀燈燭明涼蟲咽咽傍牆竹
聽久但促孤愁生愁生欲伏誰驅遣渾汗翠液玻璃軟
五斗一石非所長興來亦覺滄溟淺我生早患難對酒
無可娛辛勤識字不得力漫事爾雅箋蟲魚痛心曩昔

親庭趨從容待飲情有餘醉譚先烈從巡初豈但勇力
清疆隅公侯將相隨指呼親挾日馭升天衢墓碑神龍
護寶書勲庸槩見中全疎機危謀大世莫覩賴有帝訓
昭難渝用心若比某人輩相懸萬里非同途坐閒歷歷
言在耳風木纏悲淚鉛水茫然此事莫輕論不如盡付
金樽裏神仙恍惚休強尋壯士易老難爲心要須出處
任天運況我自判歸山林一杯復一杯無客誰同斟案
閒幸有李白舊詩數百首試讀精爽飛雲岑安得同渠
游霓裾碧瑤簪回頭卻謝髡卓輩棄置禮法幾荒淫何

如高吟泣鬼神模寫造化歸無垠誰能狸膏金距學雞
鬪起捉簷柱矯首落落看星辰

冒雨往玉照堂觀梅戲成長篇

幽人占斷煙波景不但春風翠紅整繞堂交互玉陵嶒
月中日下光迷影連年勾引客來看傳得梅聲滿世閒
西湖處士英爽在大叫稱屈樾天關拜言臣生太清苦
孤山昏曉搜寒句水邊籬畔識疎斜若說栽梅臣實祖
五湖散人張志和讀霓不中原夫科門前水擅南湖號
也種梅花數百窠貪吟豈悟無閒字置之度外猶餘事

掩臣梅譽最難堪薦菊泉荒空廟祀帝曰往哉女雨師
張園梅開正及時風標霧鎖兩旬日今歲且使遊行稀
從來奇觀偏宜罕何妨別具貪花眼不須緣木及守株
時來一醺玻瓈酸晴多每厭蜂蝶狂妖禮不類南枝香
未如就作水仙戲水精纓珮鮫綃裳素麟宮闕龍牙牀
瑤麟琪鳳森鸞翔洗前塵全凝冰霜是名清淨富貴鄉
舉瓢無庸酌天漿芳槽壓酒銀淋浪桃花流水名漸彰
一罇百榼嗤斗量和靖此樂恐未嘗大癡小黠聲利場
得失分定休自忙詩成鯉魚為傳將一閱噴妬俱已忘

卻須信我計頗長

千葉黃梅歌呈王夢得張以道

笛聲吹起南湖水散作奇葩滿園裏被春收入玉照堂
不逐餘芳弄紅紫一春開霽能幾時江梅正多人來稀
光風屈指已過半賴有細藥森高枝今朝拄杖偏宜到
暖碧紅烟染林草悠然試就花下行便有疎英點烏帽
細看寶曆輕金塗密網綵綴萬斛珠一香舉處衆香發
幻巧更吐冰霜鬚巨羅盛酒如春沼不待東風自開了
呼童撼作晴雪飛雪飛爭似花飛好士都賞翫爭出城

日高二丈車馬塵誰能擺脫熱官與銅臭肯學花底真
閒人時平空山老壯士不得滅秦報君死雞鳴撫劍起
相歎夢領全師渡河水吾曹恥作兒女愁何如且插花
滿頭一盞一盞復一盞坐到落梅無始休無梅有月尤
堪飲醉臥蒼苔石爲枕醒來明日別尋花桃岸翻霞杏
堆錦

廬陵李英才自製墨與梅花寫真良齋誠齋又許
其能詩十月七日攜畫見訪且索拙語因成古
風以贈

我家種梅三百樹惱人不特香如霧塔前花影二更來
月光到處縱橫住幾回欲書嗟未曾李君能事乃爾能
素綃竊我當時景更引夜月花邊升滯毫量水厭凡墨
掃烟自就千枝燈容衣緇盡不復恨但喜占藝清如冰
英才之
言云爾圭元漆響用不盡博金價定無虧增又聞覓句
頗清熟社中宗匠交口稱雲臺萬事無心計只學希夷
多愛睡醒時非畫亦非詩恣向虛空寫千偈君船再過
嶠中未烏丸并望新篇寄醉來染試陋溪藤滿壁蛟龍
風捲地

劉宗古畫過海壽星

南極煌煌山川精輝明淵耀為天經化成仙人渡滄溟
黑風不作魚龍鱓冉冉風氣如雲停我冠曳帶從玲嶼
脩髯炯目玉鍊形神光轉映浮中庭穹龜坐踞指輜軒
遼東分威姓維丁翔空欲下搖霜翎予方厭世爭腐腥
棲心元域全櫻寧此圖誰將搨素屏細觀混體通白靈
誅馘飛毒命門扃清音透頂聞雷霆披蘿重岡斷松苓
我命在我同干齡

跋周昉畫錫宴圖

汾陽賡建扶危功清議邪有魚軍容倖人恃寵自矜伐
似可唾去極力攻今也束帶比肩立絕口不問如盲聾
水衡有錢誰敢費設席授几為爾供金鷲罽底果何品
異饌定不人聞同翠環玉勺未分勸坐列有序隨卑崇
君恩天大且籠蓋天意不假人力窮鳳凰五章為世瑞
亦許梟獍鳴雌雄西山靈木作上藥道旁惡草翻昔昔
方圓白黑正殊調端在香者全吾躬魯叟當年諾陽虎
聖之計拙排顯恭我披此畫屢歎息杜老謀深言至公
馬賁以畫花竹名政宣閱其孫遠得賁用筆意人

物山水皆極其能余嘗令圖寫林下景有感因賦以示遠

世間有真畫詩人幹其初世間有真詩畫工綴其餘飛
潛與動植模寫極太虛造物惡泄機藝成不可居爭如
俗子通身俗到處堆錢助癡福斷無神鬼泣篇章豈識
山川藏卷軸我因耽詩髻如絲爾緣耽畫病欲羸投筆
急須將絹裂真畫且詩未嘗滅

舊藏文與可墨竹未有對者叔祖閣學以一枝為惠

崔黃拂素桃李開春閨融豔蜂蝶猜范郭揮毫水石具
古愁宛奧闢山迴近代名家工寫物妍媚嚙空傑出
此君孤稟歲寒姿不入尋常丹粉律江南鈎鎖殊拘攣
直榦蟠鬱羞雲烟湖州書飽翻老墨放枝落紙爭流傳
有來一幅垂虛壁冷葉疎莖伴幽寂眼空四海無與儔
出手知公不勞力世閒快意非人為曩昔經營心坐馳
從容會合若符節辛苦反悟皆兒癡從今相對成三友
憎愛俱捐保長久茂林分蔭已無窮更合新詩同不朽

茂林南園亭名

朱師關畫梅溪春曉圖

梅溪之水何清哉萬頃玉碧天邊來兩山拱挹各異狀
上有磅礴巨石散落生莓苔松蘿蒙籠共糾結帶映萬
蕊紛瑤瑰香繁粉豔露凝濕下視几卉真與臺露裾褊
纏彼仙子褰裳矯首遙相俟心清悟物息相羊指點八
極共翱翔胎仙舞空爲前導紫芝煜煜更芬芳時當初
零放曉色赫日滉漾咸池光羅浮幽夢奚煩數西湖漫
賦橫斜句相逢弭棹定情親翠杓搖鬢恣傾舉東鷗西
兔從飛馳維北有斗南有箕化工精妙得師旨寫入繖

素不使捐毫釐何當著身此溪上溪清梅白森相向吾
與二子成三人共看桑田乾海浪

書鎖樹諫圖

中國人材未嘗絕季龍何苦稱豪傑一朝得志忘穹廬
侈心不過淇河決沙丘未破身先熱義士敢忘膏斧鉞
所幸嚮來涉經史改過知非猶可說噫固知禮義之本
根人心何如露臺惜百金

奉祠雲臺題陳希夷畫像

張子爲人懶無對遮手一官追行輩僕緣埃壤半年餘

亡補公家真合退病羸應念故園荒連緘力叩中書堂
林宮分秩問天得給舍便喜書敕黃沈疴返舍倏去體
涸鮒順水回春塘壁間先挂陳處士案上更寘銅爐香
易編與我爲四友一段因緣殊不偶從容何止兩歲期
自此相依當耐久清腴氣貌儼如生入京尚想騎驢行
世閒大事硬漢了物有所重有所輕後來一曲愈可尚
不暇隨人作卿相急歸依舊白雲鄉忍使猿驚空蕙帳
東吳西華遙相望海霧天風正推盪無邊花月自依春
來伴南湖詩酒舫

陸編脩送月石硯屏

何年商顛澄中秋中光列籍稀校籙冰輪充滿不復玷
玉斧棄置無煩脩蝦蟇遁走兔老黠歷歷可認輝銀樓
揚光厭倦落凡眼臭黃漲霧紛紛蚌收芒轉彩向林壑
孕秀石腹非雕鏤夜深蟬怪想出沒官混瓦礫埋荒幽
地神竦踴競持護山鬼睥睨潛驚媮扶疎檜影亦透人
非假幻化人能不誰將作屏伴几硯窗日互耀搖雙眸
三山放翁實贈我鎮紙恰稱金犀牛新得古銅犀牛翁今鉅宋
清廟器咸鐘韶磬鏗鳴球所學況不負天子報國豈暇

百集卷之二
官資謀子虛賦傳賜科第始計兵說裨宸旒傾城寵易
妬亦速巴蜀寄宦甌閩遊仙風俠氣愈卓越錦袍玉局
當朋儔平生專車祇文藁江漢萬古詞源流良崙塊北
大巧在乃欲繪畫真堪羞精神聞道尚逾緊恨未面覩
肝腸投此屏遠送有深意絕勝龜甲圍香篝用張舍避
立必直銘戒要我參季尤拙詩酬貺忘不謹是亦一癡
何從瘳菱租魚市仰高詠乘興未果隨子猷來春流水
鰕肥好看我坐釣書船頭魚作市菱爲租取
陸思故山詩中語

太平印歌

脩溪檢校閒桃李暗記蒼苔唯履齒野鴛時看立汀沙
个字分明尤足喜金駝銀鼻豈關念夢月當窗印寒水
闈門瓜戍忽臨期交與銅章令條視篆文情蚓紅縈纏
背刻太平興國年因記太宗全盛日車書萬里恢山川
吳王納地初改郡錢塘國勢猶依然治中選任不輕予
縱受往往皆前賢顧我何人來冒綴迂愚縮胸仍孤賴
買臣雖陋會稽懷靖節殊慙彭澤棄職分猶得按西湖
岸址防侵除葑穢汎舟何事最官况屬玉鷓鴣總徒隸
無煩移牒水仙王徑寫新篇就印章給露洗開千樹色

支風吹發萬荷香持歸桂隱真堪樂世界清涼似巖壑
更將此印印渠詩是我前生那得知

渭川獵圖

鳴冬朔風聲披靡原樹莽蒼枯欲死出門四望來無人
何許翁閒守寒水胸中百萬總活法閉口不言心自喜
姓名絕念公侯前草野畊夫略相比一朝千乘從空來
照天戈甲光皚皚罽羅不爲彪罷設果應龜墨收奇才
鷹揚元勳塞兩儀遣爾後嗣恢宏基魯公如棠但射魚
縱得齒革何能爲

夜坐放歌書興

列星光芒遠近同天河橫來壓孤篷溪容一碧看未盡
轉入客子詩筒中筒中滿貯千張紙一路山川供役使
古來霄水足高人吾宗首說元真子都緣抱負經濟才
有口挂壁常懶開樵青漁童與其載大勝俗侶成羣來
可憐當時只名重野鶴乘軒失威鳳雖聞肖像登九重
收獎空言亦何用過五百年孫更癡布裘屨履骨格宜
特來乃祖舊遊處三叫庶幾親見之見之不見俱莫問
人生只合將閒論倘來簪紱付兒嬉聖賢用晦初未悶

百法集卷二
扣舷還望星與河此身或是張志和一杯更醉投牀睡
明日歌聲猶震地

看雲

老夫自從歸南湖兩眼月處不敢虛對人豈暇作青白
尚乃懶閱燈前書只將看山并看水山愛烟晴水風起
今朝所向更出奇極目陰雲滿空裏千千百百巨石堆
一一十十猛獸來春濤忽捲大海動曉陣漸壓孤城摧
當中一抹如龍臥頭角深藏鱗鬣大蒙鴻杳渺卻斜明
高鳥爭飛欲驚墮須臾變化疑有神億萬里碧無點塵

以此傑觀以已得模寫豈肯煩他人歸來為渠急揮掃
自笑癡狂乏新巧莫言雲去没人知處處是雲雲是詩

夜看月邊行雲

衆人看月愛月明老夫看月愛雲行青天澄霽月當夜
但有爽快無幽情今宵半月從西上雲向東移滿虛曠
初如玉鏡插蒼崖次若銀盤沈雪浪忽當濃處全收芒
星斗遠近粲復藏須臾缺處還飛光林宇高下且陰涼
鮮颼颼吹我裳恍然輕舉凌空翔只緣中心無一事
始與世人看有異睡足閒居好滋味投牀徑自齁齁地

明夜月明來共醉多情更看雲裝綴縱使無雲亦休睡
寄春膏賤與何同叔監簿因成古體

蘇州粉牋美如花萍文霜粒古所誇近年專製淺蠟色
軟玉瑩膩無纖瑕盤門繫纜高橋住呼僮徑訪孫華鋪
瑀鏤紅碧任成堆春膏且問如何去乃知剡溪桃花黃
楮君同譜生殊鄉買來論擔不計數直候東風花草香
其時霹靂吹微雨潤物無聲略膠土展開千幅向曉空
漬染都勻始輕杵搗成一色堅且明幽具本豈鑽公卿
要供海內覓句客覓句只今誰有名月湖老仙居胄監

詩好工夫到平淡寄分聊當野人芹莫克諫藁恐被焚
便將演綸登北門

出山追述所見

我家正對風煙住飽看陰晴變朝暮清秋非但入詩脾
挽向溪山深處去溪山深處是湖州水合雲凝不斷頭
曬稻坡前移拄杖罩魚灘際泊扁舟入城要盡登臨目
馳橋繫纜因畱宿舊遊十載夢驚回堤邊老柳依然綠
凌晨取道峴山前窪樽就拊穹崖巔顏魯公舊遊此唐李左相石樽尚存
縈紆遙指道場路挂席徑造尋幽禪彎環港轉菱田上

鷺簣激烈于松嶂竹輿飛入翠光中寶閣朱扉恣舒望
當年祖訥伏於菟伏虎訥禪師開山躡屐旋薤荆榛居至今夜
半吼寒月守護淨境嚴驅除呼燈談話倏度夕粥盂共
赴雲堂集日高振袂過鄰峯老衲相看但長揖

讀仙書

飛樓半天真人居玉幢金麈龍虎輿層門十丈擁翠樹
枝磨有聲作靈語邪劣未除嗟異路紫雲翻袍兩儀舞
赤巾使者呼女鬟吟風颯颯鶯笙寒迎月殿高句難攀
踏珠出水如出霧三十六鳳空銀灣

馬當山水府廟

江長九月秋氣豪霜明岸老天愈高羣真下集水仙府
丁東佩玉聞雲璈脩塗隨處恢奇觀況此樓殿臨烟臯
割牲醢酒禱靈貺順風挂席輕狂濤扁纓數鶴摩空舞
戛然長鳴更淒楚飛來木末獨移時不逐昏鴉亂洲嶼
人言馬當船過難我喜浩興超然閒便須擊楫自此去
指呼萬騎恢河關

醉後偶書

繩牀不解雙足頑藜杖易厭前庭慳茱萸顙小梅子白

南唐書卷二
玳瑁文皺苔移斑一鏡左計少北牖萬騎縱獵思南山
便呼滕六雨好雪風捲平郊無廢葉整飛轉旋疾於鷹
箭勁弓鳴獸旁截芳醪鮮肉娛賓友擗鼓振鼓催舞裒
橫行未絕五原邊不死終歸三輔右望南再拜稱君壽
愚臣豈解酬恩厚古來相際必風雲日名子直有後

王荆文公有客至當飲酒篇姜邦傑廣其意賦詩
見示有云有客故當飲無客飲更歌有客與無

客頽然同一科僕因和荅一首

客至當飲酒客去亦飲酒有客與無客酒杯不離手昔

賢立意固可嘉今賢廣之尤足誇人生都無四萬日炊
黍未辦鬢已華功名富貴軟鐵漢四萬日中先太半穉
衰憂病睡工夫餘剩不能供夔算何當筠籠罩住兔與
烏請渠同道黃金帝皇王帝霸果事事醉眼一觀皆虛
無春風今年春雨鱸池中水通門前湖垂楊洲旁繫板
舫豔杏橋上行巾車纔晴宵放此樂緩客有與無俱不
管詩成書紙或書牆後五十年墳草長

三愛吟

有三須把酒有口須吟詩更留未老腳上山當及時我

生除此百不愛儘著餘年了三債一歲縱教醉百回三
日始一眉頭開百年藉使吟萬首十日得三果何有足
健且長閒當能徧巖藪君不見王逸少誓墓不出窮名
山謂宜以樂終不願縛足名宦聞又不見陶淵明使飲
不負頭上巾嗤笑魯中叟彌縫闕失成灰塵又不見杜
少陵作詩飢凍猶忘愁未得驚人句自言到死不肯休
人生三物閒所願常周流此身已復專林壑賦詩飲酒
須行樂

謝豈菴餉澄粉圓子

老時嘗聞生合浦射影飛芒互吞吐都緣晝夜兩跳丸
縈繞須彌照寰宇金鴉遠逐銀蟾蜍傳孕億萬皆成珠
荒寒海際人罕見第取服用充珍娛吾宗皎皎青雲器
神餐玉方曾屢試細淘瓊粉滴成泥幻出勻圓乃無異
開奩驚睨未敢傾蔗霜作伴眼為明始知可助非時供
釋氏齋後食 餽餽糜糗難爭衡當年魏珠徑寸照乘日
名非時食 不聞堪鬻賣人食漢臯所遇若鷄卵解贈未竟佩亦失
寒宵書窗黃葉鳴焉有李白力士鏘敲冰然竹喚沙釜
未喜蝦目先蠅聲須臾湯沸投香顆一顆光浮膩仍夥

絕勝車載惹苴歸誤與文犀遭譖禍但聞頗勞纖指功
慰饜塞饑那可窮從今休遣長須送我自煨芋聽松風

鴉身辭

自從結廬依北城入夏常聽鴉身聲五更欲盡日未上
繞樹往往偕鷄鳴想欣綠草露光濕漸喜茂蔭晨輝清
道人披衣起危坐睡思頓去毛骨輕既免待旦赴朝集
祇欲和月隨農耕人言外甥多似舅爾甥天資太濁陋
固宜相見屢施拳使瞻在前忽在後衣裾峭整紫翠長
更學燕燕元為裳鵲并鸚鵡定通譜名曰鴉鳩字未詳

我園總鶯兼撫鶴閒亭本是無心作未能授館專為君

萬竹千松互同樂聽鶯撫鶴
一亭名

茂洪赴漕試歸苦目疾

潛侯兩鬢光如月盡日觀山常拄笏經營菽水纔有餘
赴試無心况干謁少年習氣秋來發較藝文場肆猖獗
揚沙風起晝昏冥點漆歸來似泥泥我生正欠封侯骨
硯破編殘徒屹屹與君發願繡佛前綺語機心回 訥
丙觀靈府窮丹闕虛室生明照毛髮卻將目力寫新詩
巖電千年不埋沒

還至吳淞茂洪朔余臨平詩韻放魚因思舊行大

江嘗縱巨魚再和為荅

太倉雲路天黏水櫛比漁家接沙背巨艘買放截江鱗
舉網遮空暗窗紙錢多魚賤俱放懷成質不數成船來
今朝縱汝真小患好去瞿塘盡瀕堆

美人曲

美人娟娟似秋月宮中女兒如欲殺惡言忽入恩愛
自是君王不情察深宮夜冷調秦箏曲曲翻成衣恨
願得風欠落君耳回心照妾相思情

南湖集卷第二

七千九百零九字博記
三月戊午寫竟計
固知不足盡於書

南湖集卷第三

秦川 張 鎡 功甫

七言古詩

叔祖閣學生朝以丹砂鑄酒盃爲壽

真人玉練超塵質尚假金鹽煮堅石要知草伏砂最難
護氣延年本仙術神爐祕炭呼祝融日月出没奔朱龍
至今受化感靈藥異寶具體專奇功鑄盃獻公酌沆瀣
雕盤素實如瓜大飛瓊鼓簧雙成笙醉色渥丹天所愛
東風吹萬纒兩旬誕序更數三千春丹砂爲金金生沙

百集卷三
坐閤東海揚車塵全才備德難具陳紫樞黃閣旋洪鈞
願從宏芘託此身舉杯論文日相親

叔祖待制移居新市華閣初成適逢誕日尊幼畢
集鉉獨阻奉觴因遐想賦詩爲壽

西清老人新樓居下瞰四澤如江湖憑高挹景未比畫
人望樓上真仙圖揚花燕子句排露鷓絃鳳竹聲驕麤
先生已腰白玉帶我今且漉黃金壺朝來歡聲動里閭
連帥高蓋將軍車松髯蜂準照華棟其說熊夢當年符
高情和氣今誰右海山星斗稱爲壽一門鼎食繼前勲

容我窗閒吟遠岫

當塗叔祖生朝以顧亮畫雙松鹿雀爲壽

維崧之顛仙所莫凡卉不敢爭分滄千年雙幹騰老蛟
露月沐浴風枝敲雪霜寫質青愈苞天授非論地肥磽
翼而翔飛足而跑倘輕來此遭譏嘲偉哉兩鹿義漆膠
生鐵挺角銅爲骸於菟可阱熊可庖爾獨不受人鞭梢
如鳳在藪麟在郊俯仰自得盤林坳神雀亦喜辭黃茅
飛鳴豈復喧啁啁丹葩照映山靈教欲銜獻仙薦杯斝
南園胸中洞六爻大藩鎮護無鳴鶻報穰祝畢停迎貓

行取相印符竹拋長生陰徑丹台抄我欲歌頌追雲璈
往壽此畫猶毫髮阻脩賴有精誠交

南園叔祖上曰

當塗老稚遮不住京口屯雲飢待哺平川四海廟廊姿
八處蕃宣俱暇豫紹興元勳如日懸承家有人光後先
驥行萬里要老大天公已與青松年愚孫窮好祇林藪
日汲菊潭清釀酒欲往壽翁道阻脩遙問長江借升斗
人閒樂事世道遙蓬萊方丈非迢迢詩成喚鶴銜將去
認取南陽臥龍處

呈九侍郎陸禮部

今春少晴天雨聲常綿延曉來羲車展雲出射我屋瓦
生蒼烟憶昔旣冠時壯志平幽燕先王手扶太極起餘
事未竟騎星躔誓將膽與腸剖析帝座前出師先定董
郭薦此老妙處心默傳甲庚子亥繫宿業古來局殺英
與賢蒼華蕭蕭葯裹側不覺轉盼霜滿顛因念夢境中
此亦非小緣枉教心無片餉息形氣自賤欲火然一根
返源六根了如何不遣情勾牽今朝好春風歌鳥如管
弦花香舒錦機次第鋪我園柳柔曳金繩高下拂我船

南浦集卷三
伸臂攬六龍莫過桑榆邊披猖車尾霞丹碧如旂旛幻
作萬石酒爛醉三千年世閒生死俱掃空况復戲弄冕
與軒江西揚子雲道院方晝眠來書拆半月欲報懶欲
次許我詩五十方得見六篇清腴似陶謝尤覺詞精便
尤陸二丈人和荅尚未全賤子焉敢繼口誦心督鑄此
月小築成南湖向西偏規模從簡儉門牆抵人肩池亭
巧相通萬竹夾澗泉風月豈易量宵換閒憂煎懷公不
能休語盡終難宣

陳子西投贈長句走筆次韻奉酬

作詩我恨無新功良田所積未始豐君侯何事有此癖
判卻不費平生窮容臺故人作書至百篇古體緘膾中
翦裁雲霧閒孔翠此尚人力虧天工請君直道當去聲下
語莫擬世俗紛華蟲占人規繩亦謝去豈不自己光圓
融大千沙界大千海置之足上升天宮到頭只是舊時
我不妨自就聲律籠若能言下便領得老夫衣鉢當傳
公

簡虞子建

虞君借屋王城裏閉門端坐窮經史遊謁俱非射利徒

名公往往爲知己年來清貧漸到骨造命由天嘗自委
屬客雖慳北海樽出街尚矜東郭履我交英彥固不少
易足如君誠鮮矣連朝雪片大似掌平地未尺俄復止
今晨陽光炙瓦甍旋滴虛簷聲不已竹閒鳥雀快飛鳴
庭下兒童爭跳喜叩關過我未及款首問雪詩曾有幾
自云危樓開破牖盡見山屏羣玉倚遠從臺館聽笙簫
更煮鮭魚傾濁醴呼兒誦我湖上句聊當清歌搖醉耳
初聞不覺忽自哂過獎翻令增愧恥屢稱非偽弗許辯
更愛無心真絕比紛紛馳谷跨深坑苟祿貪榮類流泚

辛勤縱得席暫煖爭坐成羣又催起豈若高蹈身不與
裹布羹蔬藉溫美乘閒書紙本非詩切勿多傳召嗤鄙

簡喻叔奇工部沈無隱寺簿

園居懶成癖駕言何所之出門無妨看好雪粉地玉天
相範圍氣增坐車熱旋換白鹿騎不須攜古囊詩句隨
雪飛故人昨遷官過我睡掩扉登堂謝不敏款語俄移
時咨詢玉照三百樹縱未放花堪舉厄當約香山翁喻
香山名其了此段奇喜歸步林曲問梅梅有辭相看兩
經年非無主人知去春偶晴多昏曉無不宜靜來藜杖

南浦集卷三
橫笑去綸巾欹琉璃巨鍾深數指月底四弦驚鶴起興
濃何必斷吟鬚快寫新詞歌皓齒燭遙照路不照花三
更露壓星斗斜明牀氈穩半酣寢頭上最愛香雲遮明
朝再來看亦復送落霞尤物到了奇飄英覆泥沙非徒
隨步白錦茵轉首綠蔭森交加于今雪見五六白斂衽
何辭讓渠色但催佳客犯寒來我自花開頃刻言餘
試搖枝上凍已覺欣欣芳萼動或如紅豆或如椒若說
供詩儘禁用星郎農簿辭林鳳素有聲名過屈宋訪余
必待巧乘閒卻恐梅花解嘲弄

次韻曾侍郎

世上曾誰歌白雪慨歎風人聲屢咽旋蟲時叩豈無聞
盡發宮商方應節江西源正非旁流文清詩名不易收
師承吏業特餘事一門玉律誇中州了知著腳最高處
不局晚唐脂粉路涪翁時異屹相望龍勺彝樽滿堂聚
昔人詞賦上三都未必獻納裨皇居且今司刑掌邦賦
羔羊化行無詐狙孤生奚貪芻豢悅一飯跣趺諸想滅
案頭何用寶傳燈自有公論語說

蛟

連夜雨作污渠泥枯莖蠹葉紛滿蹊塘坳蠕蠕長科斗
囊腹攘攘翔醯雞濕生別種蛆蛭類倒擲橫跳浮卻墜
晴風一旦略噓吹便解飛騰添足翅初即陽光緩緩遊
鼓隊趨羣屋角頭雪片有聲飄作陣楊花無樹輾成球
爾自與人風馬牛緣何耳邊鳴啾啾鳴啾啾未爾罪撲
鬢嗜膚驅不退有時深夜呵殿來惱亂書燈猶作祟何
人當年假爾名曰蚊豈爲文足稱爛斑不過腳似豹勇
健未必拳如鷹蚊吾語汝汝切聽爾詎不聞大鵬舉翼
辭南溟上九萬里如雲興爾又不聞鳳凰來儀虞帝庭

九章備體參四靈奚曾逐逐專營塵固知此擬非其倫
我園牆陰容爾停自全且效腐草螢吸露大勝血肉腥
口業旣免報漸輕不然薰燎滅爾形吾言匪妄如日星

船回過德清

溪平如簟不織紋夕陽紅味參差分蘆邊孤篷飯炊芹
風力引上縈長雲天將此意慰所欣我倦不飯興自醺
思懶豈復筆下勤一默中有詩無垠林木振動山應聞
夜宿龍井廣福寺分韻得來字

陽鳥翅焦雲雀鬼避熱馬轉南山隈邊湖興熟厭頻往

幽討林落穿莓苔澗聲引步陟層嶺高嘉路側雙扉開
泓泉湛碧透坤軸合有龍臥專風雷撫欄立瞰奇闕
漱挹未敢持深盃瘦筇趨寺更幽寂昔備不到欄檻摧
老僧肅揖選涼坐借牀過夜容裴回神靈變異亦喜客
跂脈現狀潛鱗腮從容瞻敬忽無覩應憫墮世餘氛埃
堂中遺像成三老東坡辨才作亭風篁嶺名其爽長在
遊天垓認題掃壁說前輩今昔玩視俱悠哉出門因愛
月正午桂子秋到須重來

七月望煙波觀對月

我生好奇難比倫流水古木期終身卜居城隅易得趣
窗戶日與青山親出門陂湖舊潭洞連歲乃爾成齋淪
結亭據要雖屢賞景物尚厭非清真商飈入序才兩夕
猛雨盡洗炎歊塵今晨已復暑不柰揮汗幾欲捐衣巾
晚風引履到雲鏡蕭爽意象生無垠須臾從地出偉觀
光潔萬丈推冰輪波明上下互發越彌望但怪鎔黃銀
烟蘆窳颯雜蟲響漁艇隱約收絲緝人生何用計俗眼
強啓口笑勝眉鬢急傾巨醖叫李白今古不問交精神
相隨擬造廣寒闕其醉更住三千春

題寒綠軒

甫里先生窮到老刺有詩文記林草杞苗菊葉果何佳
自喜春風顏色好現菴主人同吾張故家文獻出大梁
相過官對柱隱榻握手書社傾肝腸頃年交處東瀕海
灌畦不仰園官菜小窗寒綠獨專名實與天隨同所愛
所愛既同人亦同豈較早晏時遭逢極知趣尚寓小物
過眼斥鷃高飛鴻閒關館舍人稀到簷前席地聊從好
維杞與菊復移栽擷可烹茶羹可芼曉烟夕露清無邊
盡掃萬古紅紫綠對之飲水骨亦仙屠沽兒家休擊鮮

登城歌

二月二十八花開滿林鶯恰恰春光誰遣插翅飛雪色
情知添鬢髮暄風隨我登古城遠樹如簇山如縈一川
渺瀰青鏡平雲霧不定天疑行去船性船縱復橫日輝
遊射光晶晶逆聽萬古蒼蠅聲眼穿故國喚不磨鼎湖
龍升朝帝廷還領舊物蘇函靈維先忠烈爲列星侍堯
受命行專征今上移軍復四京實尊天時協羣情不戰
自可屈人兵版圖悉更郡縣名蛇荒島夷頌朔正禮樂
制度重脩明漏泉沛澤江海傾小臣筆力鴻毛輕願書

南漢書卷三
詔命犇驛程滌洗罪責哀孤惻霜露所墜皆驪盈此意
一笑從誰評舊遊安期丹想成未須遣鶴來相迎我方
居園學長生後五百歲歸蓬瀛

韓子師尚書致仕

丈夫出處無兩歧疆自分別兒童癡鹿門龐老不願仕
名與諸葛爭驅馳天子從臣豈易得屢聲已到黃金墀
堂堂文譽動宸極奕世長策歸論思攀轅臥轍昔人寧
前日作州重見之萬口祝公猶在耳拜後爵土同封斲
緒餘閒發有如此功業盛著庸何疑仙風卻與松喬期

泛茗涉雪尋幽奇洞天白石人未省翦茅植樹親指麾

山靈地姬許時祕恰與八座供娛山道名八座人閒臺榭

難頓著臨勝向背真天施霞晨霧夕更護耀鷗朋鷺導
欣逶迤鄉來韓重今復來飛雲入步長相隨上章乞身
世亦有髮落齒撼將何爲公未五十方朱顏勇退奚俟
謀著龜九重嘉賞寵殊職百辟動色欽清規鉉也塵鞅
方羈縻先德未報鬢已絲高節凜凜端可帥叩門糧休
千里齋一舸叫月從鷗夷

張戶部惠山楊梅

膏聞魏伯陽鑄丹會稽山功成試其徒未欲汎與餐給
言丹入口命盡不可還一人篤信道快餌肯作難翁復
起諸死攜手升雲鸞臨行作奇戲畱使後世看聊將一
粒變萬顛擲向青林化珍果彷彿芙蓉箭鏃形澀如鶴
頂紅如火只隨翁字姑號陽姓楊乃是訛偏旁迄今年
深少人識地媪山君應記得木生曲直味宜酸此獨甘
香勝蜜團吾宗望郎忽馳送色映筠籃光欲動想因見
此列宿躔曾遣冰壺纖指弄我方小際呼清風葛巾高
挂千丈松爲公摘荷盛薦酒此樂城中那更有

石首春魚梅魚三物形狀如一而大小不同爾因

賦長篇

遐陬編戶居海濱不但生涯仰蝦蟹鹽成雪雪成堆
漬曝羣魚趨市賣其閒石首最得名隨潮百萬聲鼓聲
長艫巨扁鬪截取急逐風便來王城頭中有物從何得
精衛含冤口拋石此魚腹小不容舟只把石春那患逆
錯將轉上泥九宮又疑當年漱石翁臨流快噉透入腦
化作鱗鱗金甌從子孫託詵仍疊疊曰春日梅俱可喜
醉鄉貪衒風味高失身盤膾杯羹裏先生趁晴攜酒觴

柳色正似鷺兒黃與渠豈暇攷族譜便結保社南湖傍
輒炊玉飯乘燕艇撐對柴門亂花徑併呼三子伴漁童
食肉諸公自時政

宿吳江華嚴院

宿雲蔽空溪溟濛我船曉繫紅蓼叢宿雨滑道樹溼漉
我車早轉青泥衝破程約涉一舍外遠目未快千山供
岸傍小店換馬去甌裘障冷披蒙茸須臾巾蓋不容展
莽莽暗霧逢逢風偕行客與屢掀簸適值官騎來憧憧
刀弓負帶競肆兀驢駟驥駘駘爭前迭進步殊窘

迫暮始望橋垂虹石塘白文捍駭浪聞有灘磧紛魚筒
鷗羣黑白混鷗起驅影亂點遙波中華杯茶竈住此地
得句未必慙龜蒙浮圖老屋且投宿解擔正聽黃昏鐘
紗籠炙燈照佛古展吳江集作蘭席布榻便吾慵恍驚足履
未游地欲記倦著新篇工呼童溫酒立懦志逸興恐失
難重逢恍驚云云四句據吳江集補酒吳江集作案邊紙盡莫翻寫睡覺
紅日生於東吳江集云不覺紅日看生東

山堂紀實

莓苔牆下斑瀾長烟霏谷口依稀上晨輝逕奔去鳥聲

來夕影屢逢蟾魄晃杖拖瘦路鳴敲鏗天台廬阜著脚
行中林穩置盤陀石竝坐不與孤雲爭疎紅疊翠如先
有霜藤蔓綠驚蛇走枝枝葉葉巧相攙歲寒俱是論心
友菴前臺上晴最嘉數杯薄酒聊隨茶客來勸主主勸
客醉倒冠履從欹斜且道如今誇甚處見成不是虛排
句堂前新展假山詩約齋老子堂中住

種菊

今年植菊良寡謀叢莖滿望如田疇黃深白淺欠旌別
未表勁淨專高秋初移風雨連朝惡纔到暄晴驟開節

鋪氈未暇坐觀嬉攜筇麤放行吟樂遊蜂冶蝶撥不開
粉翅雲動鳴輕雷霜前姿性本介潔官受晚辱寧摧頽
道人猶揀鮮鮮藥銅餅換浸重添水一聲清磬扉窗深
香邊坐斷三千偈歌緣酒分從來輕正色已定十種名
來年自種先獻佛不應直爲杯中物

楊祕監爲余言初不識譚德稱國正因陸務觀書方知
爲西蜀名士繼得祕監與國正唱和詩因次韻呈教
人心懷感初因喜感到極時還墮淚亦猶雕琢用功深
自發詩中平淡意更思絕處悟一回方知迷夢喚醒來

今誰得此微妙法誠齋四集新板開我嘗讀之未盈卷
萬策紛綸空裏轉君不見嚴陵使君斂眉頭清虛山水
吟兩秋陸丈赴官陞辭日上日巖又不見國學先生離
文句變現佛魔塵總去相逢三翁同肺腸江西吳蜀如
一鄉只憐我似臭革囊在翁薰染終難香

張郎中九少卿相繼過訪未果往謝先成古詩寄呈
高標無過張戶部督賦文移多以雨侵晨徑造夢蝶牀
冷坐譚詩捐俗語博聞無過九少卿議禮辨析紛如爭
破午遠到煨芋室抵掌談事非今情夢蝶牀前何所有

一盞木湯聊代酒煨芋室中殊可憐半椀草茶不直錢
登車出門尚回盼隣媪巷童驚走看雪寒水際正蕭條
安得騶呼連改觀世上塵勞忙若鑽想欲跳身脫羈絆
只堪告訴向梅花我是梅花千樹伴春風不覺園中換
刺字交馳煩則爾狂歌愈覓野人真巨筆掀空合有神

秋風

秋風本自佳豈直令人悲連宵天上送好月我病偶失
登樓時長安城中少人詠風月似厭空相隨凌晨吹雲
滿虛際卻向山頭移雨至老夫識破不生愁黃葉皆前

南浦集卷三
從委地人生三萬六千日何苦區區論得失定將印綬
棄擲歸南湖秋風與我還相娛

同魏茂先潘茂洪泛湖終日

天將奇觀留東南波織翡翠山堆藍仙廬佛刹互八望
漁篷游舫遙相銜清愁閉戶孤晴色試逐薰風領佳客
平生行處後杯盤枯淡自甘先筆墨放船何處芙蓉開
綠幢翠葆從天來凌波生塵想遺珮撫檻徙倚心悠哉
秦關將種身九尺鬚繞茶烟閒虎戟潘君高隱百不知
酒酣慷慨乾坤窄空濛暮氣收斜陽柳色轉岸參差香

南漪杜鵑易檜海公子愛客邀舉觴畢通棲鳥噉城上
登車攬轡歸相望乘閒結伴須數來興往不煩拘定向

欠茂洪韻

披嵐長嘯和巖洞衣汗未冷毛髮知貪奇苦戀足欲駐
擁鼻將返心還疑清音來賢祇過目亭下樹邊俱欠詩
歸輿漸受雨沾灑客蓋轉道風傾欹出門倚湖得雄觀
放泉出匱供遊嬉勉贖新句未爲報他年其隱非公誰

清音亭名也
來賢巖名也

戲贈楊伯時

揚侯陽逢復見寒梅開鬢色不帶濃霜來君居山縣適
 近我先壟夜半應望靈氣勃鬱纏崔嵬去年竹寺傾樽
 蠶官來急救老眼飢西樞相公喜人物搜材剔抉英雄
 窟蒼松腴硬久陰崖此亦鷓冠寧肯忽近聞一飯蒙異
 恩快割好鬪休馳奔我詩安得達相門春風後日自東
 起太歲無緣只桃李唐全詩太歲只遊桃李
 徑春風不管歲寒枝

以道學諭鳳口有感詩寫物記事備極詞情不容
 繼和矣既辱珍示可無奉酬輒抒鄙懷次韻且
 名以溪婦吟未章反正不忘風人之義也

人閒盛衰理甚明勢去有如湯沃冰聽言一事足歎惋
 恐君亦復傷中情行都赫奕名王第列屋珠璣多秀慧
 主翁五十二本兵寵冠諸家當盛世其閒屬意字以端
 姿品高妍兼妙藝燕開雲幄萃親友豔陣香藜嘗竊睨
 轉眼陳跡俱已休西風葉飛東水流相逢應怪我鬢改
 貪情省認俄驚羞波明藏淚尚翦月山淺帶恨猶橫秋
 失身何心養兒女啁啾耳厭山蠻語困居村店少人沽
 釘餽腥鹹汚盤俎無言脈脈語最深爲君寫作溪婦吟
 人生榮悴由分定有天不必萌他心

贈道士張易

道人生長清淮西地
龍戰血孤鬼啼飽知濁世一朝茵
擺落羈馮全天倪穿霞踏月半區宇
山水名勝隨攀躋
我來欣逢大滌左握手便許論刀圭
蕊珠七言素探討
數析祕奧開羣迷綿綿元化幹
兩曜夜半虛室騰虹霓
同居蜀客話清簡物理返笑莊生齊
坳堂燭暗坐頃刻
石頭踏滑緣高低傾壺隨意薦巖果
不假沆瀣求交梨
他年相就養靈液宵復自棄淪塵泥
蓬洲閬苑恣遊宴
有句更繼肩吾題

一日

一日不炷香已若神不清
一日不覓句更覺身不輕
是身天地閒假物舒其情
君看展與鍛自可了一生
世上紛紛蠻與觸兩眼看
渠憐不足爐烟未斷詩已成
更宵愁吟頭白曲

次叔祖閣學暑中過清寒堂韻

人材掄選何時停高者棟負卑薪蒸
我家忠烈定社稷
任大豈但懲與膺不毛夏渡瀘
灘水裂面夜踏滹沱冰
強敵坐致九頓首和議姑隨三折肱
至今耆舊話曩昔

白髮相對搔鬢昏堂堂傳業翁克紹中宸委寄恩重仍
禁林延閣望隆積邊瑣輔鎮才優勝知閒未數持燭照
神專端與承蜩凝會當風雲趣健步人則父子功儕朋
從容中的仰文翰仁者如射弓須朔為山簷外六月冷
與到不忍無詩登輿歸鐵得正法眼此事宜許參禪僧

宿吳江縣

既望月輪遲未上更深闕港喧輕浪舟人慣夜自牽撐
卻嫌炬火光搖晃長橋千柱過頃刻良久陰輝弄雲黑
漁家裹鮓縛蟹來波緊松鱸取艱得堤平步散情初適

此去垂虹纜咫尺登輿風力透衣綿俯檻波聲卷沙磧
商船魚貫昏烟隔天水難分但空碧三賢遠矣英爽存
來往頻年定相識興亡慨歎終何益愚智俱為百年客
劃然長嘯起蛟龍共向吟牋飛霹靂

玉雪花

虛皇清晏仙班朝寶花隨現非根苗瓊林瑤樹振靈響
飛彩燦蓓輝蒼霄下憐人宇厭凡卉特許福地生芳條
細看纖潔謝丹粉仿佛翠鬢森珠翹移來泉石助蕭爽
暗麝不必綉衣飄玉簪失素萱讓葉倚牆豈獨摩芭蕉

撤移舊居小假山過桂隱

頃年疊石規制陋大類堆沙戲成塔一株蟠桂兩穉松
便愛清陰蔓藤匝塔前指作嵩華樣引賓紀詠紛酬荅
遷巢城北候兩期慣有真山坐延納人生最怕眼見廣
到處卑凡意難合每還舊舍覺荒陋草樹雖添漫稠雜
林塘移植勢定增未成已想風煙颯朝晴夕晦各異狀
倚杖閒看更鋪榻園中勝賞亦甚富此獨宜茶兼酒榼
載來非敢倣奇章甲乙題朱旋塗蠟

崔愨畫雙鷺引雛

橫塘暮煙吹雨來白鷺叫風雙毳毳鷺兒力小立未定
偎母戀哺忘驚猜炎歎生欲逃天垓虛堂有此新圖開
蘆梢荷葉亦動蕩茹句未吐愁難裁

震澤戲書鷺鶴

市梢茅廠三兩閒旁有數鷺行復還適從何來令威老
矯首便覺高情閒羣鷺不度風姿少罷亞相隨過汀草
令威流盼略無言寄與誰知自瀛島少焉戛然鳴一聲
豈暇更顧兒童驚直上青天三萬丈鷺在人閒誇字樣

程堯仲以楊祕監所贈詩見示因走筆次韻約觀

園中桂花

我家城中煙雲鄉秋風晴日寸桂香交遊半是漁樵郎
門前水深通潮江和詩到此推硯牘必不能教鬼神哭
何如且向桂花中快寫鶯黃入杯玉去年試君當夏初
知君直氣非狂夫平生批龍編虎鬚千言萬言長短書
誠齋許人以文字須待其人有餘味君今莫問且速來
不醉明朝花滿地

眞珠園和淨慈僧韻

冒寒畦菜青黃色意到春風纔一息踏雪山僧折簡來

不學渡江攜履隻我方開樽酒如泉浩然得味無中邊
何須隨喜楞伽講始似閒行自樂天

浮菴潔疾戲呈

黃埃簸空吹赫日白鳥不度瘖蟬聲先生出門數有礙
陋巷糞壤愁逢迎家山望斷園脩竹嘗說攜書伴鳴犢
心無揀擇自清涼臭腐神奇總超俗

蔬飯

夜虹照飯光如玉春甌飢菜肥於肉周郎赤米太寒酸
潘令紫薑徒記錄饑創塞罷忘貪欲氣定徐行手摩腹

更能運任著衣裳聽爾計高三十六

病起見瓶中蠟梅偶書

南湖地勝無凡木只說寒梅誇不足四般風韻兩般高
黃如蜂蠟白如玉餘品細紅亦總嘉早開最喜黃白花
去年樹下看不厭吟興被壓空長嗟今冬一月恰半月
未暇尋梅踏殘雪數枝蠟藥忽先來吹香大慰經年別
道人不作羣兒癡三嗅喚醒勝良醫黃絹幼婦語難辨
一默自有無窮詩此機亦似維摩老何曾真難文殊倒
從茲不病是談禪命花卻爲金色仙

謝李仁父送茯苓

岷峨山中千歲松枝虬幹直摩青空雪霜剝落中不槁
膏液下與靈泉通龜踞鳧伏自磊砢金堅玉潔仍豐融
篝明夜取喜得雋煮鼎朝聽如吟風杵成坐上香飛雪
更和乳酪收全功當知至味本無味子若服之壽無窮
巽巖脊梁硬如鐵冠峨切雲佩明月百好都隨春夢空
大藥獨傳鴻寶訣中宵咀嚼不擡頭玉池生肥晷不輟
憐我百慮形早衰裹贈扶持意何切丹砂著根謾爾傳
脂澤釀黍計已拙由來妙道初不煩此法莫從兒輩說

徑思舉袂揖浮丘下視塵世真一呷朱顏留得亦何爲
追逐同堅歲寒節此首從全芳備組錄補

釣臺

絳衣騎日扶桑上三精九縣開靈貺趙梁雍代跡俱空
馮吳寇鄧勳相望客星何處潛光芒雙臺疊巘摩穹蒼
釣絲千丈捲烟雨俯瞰一碧玻璃江羊裘坐穩無心動
滿輪纒幣知何用故人聊爲小周旋君房謬欲相推送
寥寥歲月今幾秋山寒松吹多颼颼春來日暖花氣發
極浦浪轉魚龍遊先生有臺人共高虛庭忍見生蓬蒿

斷碑敗壁蠹荒蘚灌木野鳥捐枯巢一朝鐘梵交雲際
層檻改觀輝杉桂非關好事取時名此中恥但稱能吏
卻經祠下羅清尊試歌此詩當招魂先生出兮佩蘭蓀
明璣耀旂駕瑤璠黃麟道前翠虬奔先生去兮山雲屯
玉妃金童從繽紛吹簫鼓瑟聲冥冥目斷暮靄棲遙林
此首從釣臺集錄補

南湖集卷第三

南湖集卷第三

十月廿日乙丑寫竟計七
千六百九十九字溥記
三知不足齋叢書

